

IBARRETXEREN PROPOSAMENA

Ibarretxe Parisera joango da etzi bidaia ofizialean

Bi egunetan hitzaldiak eskainiko ditu eta bere proposamena aurkeztuko du

Erredakzioa | DONOSTIA

Juan Jose Ibarretxe EAEko lehendakaria bi eguneko bidaia ofizialean izango da astearte eta asteazkenean Parisen, Espainiarekin atxikimendu librean oinarritutako elkarbizitzarako itun berriari buruzko proposamena aurkeztera.

Bakerako Ikerketa Zentroak gonbidatuta, hitzaldi bat eskainiko du asteartean Parisko Institutu Katolikoan gaueko 21:00etan. Aurretik, 19:30ean, Jean-Paul Huchon Ile-de-France eskualdeko presidentearekin elkartuko da. Halaber, politika, ekonomia eta gizarte arloko

beste hainbat kiderekin bilerak egingo ditu.

Asteazkenean, goizeko 09:00etan Frantziako Press Clubeko kideekin bilduko da. Frantziako kazetari eta komunikabide garrantzitsuenak biltzen dituen elkarte da Press Club. Arratsaldean Senatuan izango da eta ilunabarreko 20:00etan afari batean parte hartuko du Nazioarteko Klubean. Bertan, ekonomia eta politikarekin zerikusia duten berrogeita hamar bat pertsona ospetsu bilduko dira. Lehendakariak Euskal Herriko egoera politikoari buruzko bere ikuspegia jakitera emango die bildutakoiei.

BATASUNAREN LEGEZ KANPORATZEA. Biak daude Auzitegi Nazionalera deituak



GARI GARAIALDE / ARGAZKI PRESS

Permachi eta Agirreri elkartasuna Zarautzen

Joseba Permachi eta Esther Agirreri elkartasuna adierazteko ekitaldia egin zuten atzo Zarautzen, bizitoki duten herrian. Permachi eta Agirre hilaren 13an Auzitegi Nazionalera deituak daude inputa-

tu gisa deklaratzera. Zarauzko Ezker Abertzaleko 30 lagunetik gora ondoan zituztela, Joseba Permachi eta Esther Agirre euren bi alabekin batera —argazkian— egon ziren Arrano elkartearen egin-dako ekitaldian. «Madrilen giltzapean sartzen bazaituztete, jakin ezazue zuen txikiek guraso ugari izango dituztela bai hemen Zarauzko herrian bai Euskal Herrian», esan zien Juan Mari Agirre zinegotziak denen izenean.

LABURAREAN



LANDER FDEZ DE ARROYABE / ARGAZKI PRESS

Barandallaren lagun eta senideak, atzo, elkarretaratzean.

Barandalla askatzeko eskatu zuten atzo Iruñean

Bautista etxia! plataformak Bautista Barandalla euskal preso aska dezaten eskatzeko elkarretaratzea egin zuen atzo, Iruñean, Nafarroako Entzutegiaren aurrean. *Bautista etxia! 92. artikulua orain leloa idatzia zuen pankartaren atzean bildu zen jendea.* Gaur Etxarri-Aranazko plazan egingen dute beste elkarretaratze bat, arratsaldeko 20:00etan. Bihar, berriz, Barandalla askatzeko eskatzeko bildutako milaka sinadura aurkeztuko dituzte Nafarroako Parlamentuko erregistroan. Ekimen gehiago abian jartzeko asmoa du plataformak.

Fleury Merogiseko kartzelan zeuden euskal presoak zigor ziegetatik atera dituzte

Fleury Merogiseko (Frantzia) espetxean zeuden hemeretzi euskal preso politikoak zigor ziegetatik atera dituzte, bertan hilabete pasa ondoren. Azaroaren 4an sartu zituzten presoak zigor ziegetan. Honako hau eskatzen zuten: D5 moduluan euskal presorik ez egotea, bakarturik euskal presorik ez egotea eta ordubeteko sei bisita izateko eskubidea aplikatzea. Horrez gain, Fresnesko kartzelan Juan Antonio Olarrak 75 egun bete ditu zigor ziegan. Egoera berean aurkitzen dira Antonio Agustin Figal, Ainhoa Mujika eta Aintzane Orkolaga ere kartzela berean. Mujika eta Figal azaroaren 13an sartu zituzten eta Orkolaga 21ean. Bestalde, Algecirasko (Cadiz) kartzelan dauden bederatzi euskal presoak itxialdian dira maiatzaren 6tik. Villenan (Alicante) dauden lau euskal presoek, berriz, hiru hilabete daramatzate itxialdian, euskal presoak modulu batean bartzeko eskatuz.



RAUL BOGAJO / ARGAZKI PRESS

Enkartelada egin zuten atzo Ermuko plazan.

Enkartelada egin zuten Ermuan demokrazia eta autodeterminazio eskubidea aldarrikatzeko

Zortzi orduko enkartelada egin zuten atzo Ermuan (Bizkaia), *Demokrazia Euskal Herriarentzat. Autodeterminazioa Orain leloarekin.* Batasuna lege kanporatzeko ekimenak eta hainbat mobilizazio deialdiren debekuak gaitzetsi nahi izan zituzten enkarteladan parte hartu zuten ermuarrek. Protestaldia Ermuko plazan egin zuten, goizeko hamaiketan hasi eta iluntzeko zazpiak arte. Pankartaren atzean elkarretaratzea egin zuten bitartean mural bat ere margotu zuten Ermuko enparantzan.



Sonia Ginzalez
Sarakaldoko

kalean da abenduko aizua!